

Droub'm Halsberch!

Ihr Leut, wenn i droub'm Halsberch steah,
wia liecht mei Thüngerscha sou schöa
mir doa vür meiner Aacha.

Wie wunnerschöa liecht's doa am Hang;
guck könnt mer, wäß dr Herr wia lang
dam lieawa Anblick wacha.

Ihr Leut, wenn i droub'm Halsberch sitz,
wia tuat dr Mee sou silwern blitz
wenn sich die Sunn drinn spiagelt.

Ar fliäßt doahar so stolz un forsch
als wär ar a blitzsaw'rer Borsch
dar sich für's Schätzla g'nschniachelt.

Ihr Leut, guck i voam Halsberch rei,
an alla Häng rings koucht dr Wei
dr Herwestzeit entgäicha.

Dann halt i's mit dr alta Sitt,
tua inbrünsti mein Herrgott bitt
gab du dam Wei dein Sächa!
